

Č. 68. (Přir. Łužičan 1864, str. 23.)

Ta ceła wjes se skhadźuje  
na kermušku rejwaći,  
a to so wšicko zradujo,  
ja žar'wać mam, nic rejwać.

Wšitke Hanki te tu su,  
hač moja Hanka ta tu njej';  
ja wěm, što sym zhubił z njej',  
to wjac nabyć njebudu.

Sćerpnja kaž te jehnjo bě,  
lubješe so ludžom,  
štož je prawje spóznał był,  
wóčce jemu spadnyštej.

Poľnej lice měješo,  
měchkej, kaž tej brěšce,

čerwjenej a kćeještej,  
wóčce kaž tej hwěžce.

To njebě doľho drje,  
hač wokoľ mejki rejwachmoj,  
mój rejwachmoj, hač běše ćma,  
ja žortowach a spěwach.

Wona mi mój kłobučk wozmy,  
je njepytnych kak khětře,  
bant zeleny mi wokoľ zwi,  
a směšnje na mnje spohlada.

Hišće takle praješo:  
ty mój luby banćiko,  
ty mój luby banćiko,  
na wětřiku zmahuj so!

## Wučahi z protokollow M. S.

1) Posedženje předsydstwa a wubjerka, 14. decembra 1885. Přitomni: Hórnik, Fiedleř, dr. Grólmus, Imiš, Jenč, Kapleř, Mjeřwa, Mütterlein a Skala. Z přenja wobzamkny so jenoħłósnje, zo by so na připóslanu próstwu k. wučerja Knjeza z Móšec a na rtnu k. fararja Selle z Kriebja za šulsku resp. ludowu knihownju po jenym exemplaru kóždyje dotal wudateje ludoweje knižki dariło z našeho sklada. Z druha so postaji, zo dyrbi so hypotheka měšćanskeje nalutowařnje wupowědžeć, nochce-li nam dań na 4% ponižić. Z třeća přizwolištaj so łužiskemu předařskemu towařstwu w Lipsku dwaj exemplaraj słownika za poľojcu płaćizny. Potom wotpokazuje so poskićenje wotstupjenja džěla ležownosće\*), runje tak tež nowowudaće „choralmelodienbucha“. Skónčnje spomina so na deklaraciju dokhódneho dawka.

2) Posedženje předsydstwa a wubjerka, 15. febr. 1886. Hórnik, Fiedleř, dr. Kalich, Kapleř, Mjeřwa, Mütterlein a Skala.

\*) Při składnosći přistajam z wěsteje přičiny, zo běchu přenje na zapłaćenje ležownosće požčene 500 tol. wote mnje. Přir. Přednošk w Časopisu Red. 1873, str. 65.